

ւի տակ սահող խելոյների բնակավայր ու պարագ հորի մինակութիւն:

Ճարտարապետը փորձում է ինչ որ բացատրութիւն տալ, բայց սկսած նախադասութիւնը կիսատ է մնում: Սօսքերը գլորում են վիհի մէջ, ուր ամէնքս կուչ ենք եկել: Ընկել ենք ճահճուանների մէջ, գորչ-դեղին քարէ մեռեալ մի դաշա, ուր մինակութիւնը իր սմբակն է կտորում եւ մեր յոյզերը բուրդբուրդ դարսում:

Ինձ թւում է այնպէս, որ մենք ճամբորդում ենք անդրերկրային մի աշխարհի մէջ:

Սեւանայ երկիրը անհունից հիւսուած խոր մի յիշատակ է: Մեքենաբար կրկնում ենք ամէնօրեայ մեր ժեստերը, աշխատում ենք լինել այն՝ ինչ որ ենք, բայց չենք:

Նաւարկում ենք երազային մի նաւի վերայ՝ անմարմին, գրեթէ օդային:

Նայում ենք մէկ մէկի, հեռաւոր աչքերով:

Ղուզի:

Կոնեակ:

Այրի վանք:

Ափի ճաղատ գլխի վրայ՝ դմբէթ: Ու սառը այս օդի մէջ գալիս է — այնտեղից, ուր երբեմն սպրած ենք — ուռնդները չորացնող, շունչը կտրող տօթը ու տապակում, խանձում սրտերը եւ աղիքները:

Նաւը սուււում է: Ամէնքը դարձնում են իրենց գլուխը:

Նաւը սուււում է լիճին: Լիճը չի պատասխանում:

Ոչ ոք չի պատասխանում:

Լսում ենք՝ ոչ մի ձայն:

Նայում ենք՝ ապակիացած աչքերով:

Տարակոյս չկայ, անցել ենք մահուան սահմանը, նաւարկում ենք դէպի անյայտը:

Ուրեմն դա՞ է: Վերջապէս, դա՞ է անտեսանելին:

Անշուշտ մէկը զուարճանում է մեզ հետ: Ծինել է մեքենական այս խաղալիքը եւ բաց է թողել անծայրի երեսին:

Փոքրիկ բանալին դարձրել է մղանակը, ժամացոյցի նման ճշգրիտ մեքենայի մղանակը, եւ զուարճանում է:

Թըփ-թըփ-թըփ՝ նաւը գնում է:

— Մի բաժակ կոնեակ՝ հրամեցէ՛ք:

— Ծնորհակալութիւն:

— Ծնորհակալութիւն:

— Ծնորհակալութիւն:

Չեռքերը աստիճանաբար երկարում են, շրթունքները կամաց բացում եւ կաւէ շինուած մատերի մէջ բաժակը ետ է վերադառնում:

— Այրի վանքը: Տեսէ՛ք:

Այրի վանքը:

Այրի վանքը:

Այրի վանքը:

Բոլոր գլուխները երկաթէ մկանունքների մղումով դառնում են դէպի ձախ եւ կոպերի տակ դետեղած ապակիէ աչքերը շարժում են:

Պետական թերթի հաստադրուխ խմբագրը ծիծաղում է. —

— Հի՛, հի՛, հի՛...

Իրերի մէջ արեւի ճառագայթ է ընկնում, աչքերը ծածկում է:

— Հի՛, հի՛, հի՛:

— Այրի վանքը, ասում է մէկը, էլ մոռացել եմ ս՞ր դարում, եղել է մեծ մի տոհմի փառահեղ կենտրոնը:

— Մենք ծնուել էինք շատ յետոյ, պատասխանում է մի ուրիշը, բայց ես յիշում եմ Գեղարդը եւ ժայռերի մէջ փորուած կեղեցիներ...

— Զաքարիա իշխանը եւ իր եղբայր Իվանէն:

— Ծահանչահը եւ Աւազը:

— Գեղեցիկ անուններ:

— Այո՛:

— Այո՛:

— Այո՛:

Լիճը հրում է բոլոր հորիզոնները, եւ թւում է ինձ, որ անյայտը կամաց կամաց մեղ կլանում է:

Այնտեղ վարը երկրագունդը շարունակում է աղբել: Մեծ քաղաքներում մարդիկ խենթացած վազում են, մէկը միւսին հրմշակում, շտապում, կուում: Ո՞րք են շտապում...

Թըփ-թըփ-թըփ, մեր նաւը գնում է:

Այրի վանքի վրայ արչաւող մոնղոլների ահաւոր վոհմակները լռել են: Ծահանչահի սուրը արիւնած է, իսկ իր ձին վազում է քառասմբակ եւ ահաւոր վրնջոցներ արձակում: